



Aningaasanut Nunanullu Allanut Naalakkersuisoq

Aningaasaqarnermut Ataatsimiititaliap suliaq nr. 01.31.06/07-00300 pillugu ulloq 12. december 2007-imi aalajangiinera pillugu Naalakkersuisunut ilisimatitsineq.
(Naalakkersuisut ulloq 5. november 2007-imi aalajangiineranni imm. 2g)

**Erngup nukinganik nukissiorfiliornissaq siunertaralugu misissueqqaarnissap
pilersaarusiap aqunneqarnissaa kiisalu aningaasanut inatsimmi konto
64.12.06-p ”Erngup nukinganik misissueqqaarnerit”-nit aningaasaliissutit
allannngortinnissaat siunertaralugu, Nukissiorfiit aammalu
Namminersornerullutik Oqartussat akornanni kiffartuussinissamut
isumaqatigiissutissatut siunnersuut**

Naalakkersuisut **inassutigaa**t,

- Kontomi pingaarnermi 64.12.06-mi, Erngup nukinganik misissueqqaarnernut tunngasumi, aningaasaliissutit 2.115.000 kr.-nik amerlineqassasut, aammalu
- Kontomi pingaarnermi 80.00.01-mi, Nuussinissamut sillimmatinut tunngasumi, aningaasaliissutit 2.115.000 kr.-nirik ikilineqassasut.

Aningaasaqarnermut Ataatsimiititaliap oqaaseqaatai

Ilulissani erngup nukinganik nukissiorfiliorsinnaanerup annertunerusumik misissuiffiginissaanut aningaasat aammalu Nuup eqqaani erngup nukinganik nukissiorfiliorfiusinnaasunik silaannarmit assiliinikkut nalunaarsuinissaq Naalakkersuisut suliami matumani qinnutigaat.

Tassunga atatillugu Nukissiorfiit Namminersornerullutillu Oqartussat akornanni kiffartuussinissamik isumaqatigiissusiornissaq Naalakkersuisut kissaatigaat. Erngup nukinganik nukissiorfinnut atatillugu ilisimasanik Nukissiorfiit katersillutillu piginnilernissaasa qulakkeernissaa kiffartuussinissamik isumaqatigiissuteqarnissami siunertaavoq.

Naalakkersuisut suliamik matuminnga suliarinninnerannit qaammat ataaseqqissaap qaangiunnerani suliaq Aningaasaqarnermut Ataatsimiititaliamut apuunera ataatsimiititaliamit aamma maluginiarneqarpoq. Suleqatinut susasaqartunut aningaasaliissutinut tunngasumik suleriaaserisat ersarissunngortinneqarnissaannik Naalakkersuisut ataatsimiititaliamit kaammattorneqassapput, taamaaliornikkut kinguaattoornerit taamaattut siunissami pinngitsoortinneqarsinnaaqqullugit.

Aningaasaqarnermut Ataatsimiititaliap aalajangiinera

Siuliani oqaaseqaatigineqartut innersuussutigalugit Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput**.

Inussiarnersumik inuulluaqqusillunga

Augusta Salling
Aningaasaqarnermut Ataatsimiititaliap siulittaasua